

一〇九年度華藏淨宗學會

【三月二十六日道德講堂光碟教學】

《群書治要360》學習分享 第四十一~第四十三集經句節錄

第四十一集

一、孝悌之至，通於神明，光于四海，無所不通。（孝至於天，

則風雨時；孝至於地，則萬物成；孝至於人，則重譯來貢，故無所不通

也。）

《孝經》

二、君子以其所不能畏人，小人以其所不能不信人。

《孔子家語》

三、喜怒哀樂之未發，謂之中。發而皆中節，謂之和。中也者，天下之大本也。和也者，天下之達道也。

《中庸》

四、子曰：小子何莫學夫詩？詩可以興，可以觀，可以群，可以怨。邇之事父，遠之事君。多識於鳥獸草木之名。

《論語》

五、何謂敬重尊長？家之父兄，國之君長，與凡年高、德高、位高、識高者，皆當加意奉事。在家而奉侍父母，使深愛婉容，柔聲下氣，習以成性，便是和氣格天之本。出而事君，行一事，毋謂君不知而自恣也。刑一人，毋謂君不知而作威也。事君如天，古人格論，此等處最關陰德。試看忠孝之家，子孫未有不綿遠而昌盛者，切須慎之。《了凡四訓》

第四十二集

一、言之者無罪，聞之者足以戒。

《詩經》

二、找好處，開了天堂路。認不是，關上了地獄門。

《王鳳儀言行錄》

三、見人有善，不嫉妒要隨喜；見人有惡，不批評要規勸或守默；見人錯事，不指責要協助。

四、蓼莪，刺幽王也。民人勞苦，孝子不得終養爾。蓼蓼者

莪，匪莪伊蒿。（興也。蓼蓼，長大貌也。莪已蓼蓼長大，我視之反

謂之蒿，興者，喻憂思心不精識其事也。）哀哀父母，生我劬

勞。（哀哀者，恨不得終養父母，報其生長己之苦也。）無父何怙，無母何恃。出則啣恤，入則靡至。（恤，憂也。孝子之心，怙恃父母，依然以為不可斯須無也。出門則思之憂，旋入門又不見，如入無所至也。）父兮生我，母兮鞠我，拊我畜我，長我育我，顧我復我，出入腹我。（鞠，養也。顧，旋視也。復，反覆也。腹，懷抱。）欲報之德，昊天罔極。（之猶是也。我欲報父母是德，昊天乎我心無極也。）

《詩經》

第四十三集

一、孝有三：小孝用力，中孝用勞，大孝不匱。（勞，猶功。）思慈愛忘勞，可謂用力矣；尊仁安義，可謂用勞矣；博施備物，可謂不匱矣。（思慈愛忘勞，思父母之慈愛已，而自忘己之勞苦。）父母愛之，喜而弗忘；父母惡之，懼而無怨；（無怨，無怨於父母之心也。）父母有過，諫而不逆；（順而諫之。）父母既沒，必求仁者之粟以祀之。此之謂禮終。

（喻貧困猶不取惡人之物以事己（已作亡）親）

《禮記》

二、謙則受教有地，取善無窮。 《了凡四訓》

三、身體髮膚，受之父母，不敢毀傷，孝之始也。立身行道，揚名於後世，以顯父母，孝之終也。夫孝，始於事親，中於事君，終於立身。 《孝經》

四、故以孝事君則忠，（移事父孝，以事於君，則為忠也。）以敬事長則順。（移事兄敬，以事於長，則為順矣。）忠順不失，以事其上，（事君能忠，事長能順，二者不失，可以事上也。）然後能保其祿位，而守其祭祀，蓋士之孝也。 《孝經》

五、因（因上舊有子曰二字，刪之）天之道，（春生夏長，秋收冬藏，順四時以奉事天道。）分地之利。（分別五土，視其高下，此分地之利。）謹身節用，以養父母。（行不為非，為謹身；富不奢泰，為節用。度財為費，父母不乏也。）此庶人之孝也。故自天子至于庶人，孝無終始，而患不及己者，未之有也。（總說五孝，上從天子，下至庶人，皆當孝無終始。能行孝道，故患難不及其身。未（未下九字恐有脫誤）之有者，言未之有也。） 《孝經》